

ACORDO DE COLABORACIÓN ENTRE A SECRETARÍA XERAL DE MEDIOS E A SOCIEDADE PÚBLICA REDES DE TELECOMUNICACIÓN GALEGAS RETEGAL, S.A. PARA MELLORAR E ACTUALIZAR A REDE PÚBLICA AUTONÓMICA DOS SERVIZOS DE COMUNICACIÓN AUDIOVISUAL E DO EQUIPAMENTO ELECTRÓNICO INSTALADO NOS CENTROS DE TITULARIDADE PÚBLICA EN GALICIA DENTRO DO PROGRAMA DE INVESTIMENTOS PARA O ANO 2025

SUBSCRIBEN

Dunha parte, Pedro Francisco Rojo Otero, secretario xeral de Medios, en virtude do disposto na Disposición adicional primeira do Decreto 135/2024, do 20 de maio, de estrutura orgánica dos órganos superiores e de dirección dependentes da Presidencia da Xunta de Galicia,

Doutra parte, M^a Pilar Chapela Villanueva, en representación da sociedade mercantil pública autonómica Redes de Telecomunicación Galegas Retegal, S.A (en diante, Retegal), en virtude da súa condición de apoderada, segundo consta na escritura pública outorgada ante o Notario de Santiago de Compostela, D. José Manuel Amigo Vázquez, o 23 de abril de 2021, co número 1.125 da súa orde de protocolo, estando a mesma debidamente inscrita no Rexistro Mercantil de Santiago de Compostela.

As partes recoñécense capacidade e competencia suficientes para formalizar o presente Acordo de colaboración, e para o efecto

EXPOÑEN

Primeiro. Secretaría Xeral de Medios

O Decreto 135/2024, do 20 de maio, determina a estrutura orgánica dos órganos superiores e de dirección dependentes da Presidencia da Xunta de Galicia, entre os que figura a Secretaría Xeral de Medios.

No seu artigo 18 establécese que *"A Secretaría Xeral de Medios é o órgano superior da Administración xeral da Comunidade Autónoma de Galicia encargado de executar a política xeral da Xunta de Galicia en materia de medios de comunicación e audiovisual, correspondéndolle o exercicio, entre outras, das funcións de dotación de infraestruturas no ámbito da comunicación e a implantación de redes propias de comunicación audiovisual radiofónica e televisiva para a prestación de servizos que sexan competencia da comunidade autónoma, de acordo co establecido na Lei 13/2022, do 7 de xullo, xeral de comunicación audiovisual."*

A Disposición adicional primeira deste Decreto establece que *"quedan desconcentradas nas persoas titulares das secretarías xerais dependentes da Presidencia, (...) as competencias: (...) administrar os créditos para gastos dos orzamentos do seu centro directivo. Aprobar e comprometer gastos (...), recoñecer as obrigas económicas e propor o seu pagamento, as demais competencias atribuídas ás persoas titulares das consellerías en materia orzamentaria, agás o capítulo I (...), todas as facultades que a normativa vixente na materia lles atribúe aos órganos de*



contratación, así como a formalización de convenios (...), a aprobación das bases, a convocatoria e as resolucións en materia de axudas e subvencións do seu respectivo ámbito de competencia (...).

Segundo. Redes de Telecomunicación Galegas Retegal, S.A.

Redes de Telecomunicación Galegas Retegal, S.A. é unha sociedade pública autonómica creada mediante o Decreto 58/1997, do 20 de febreiro.

O 23.04.2013 publícase no DOG a Resolución do 9 de abril de 2013, da Secretaría Xeral Técnica e do Patrimonio da Consellería de Facenda, pola que se ordena a publicación da modificación dos estatutos da sociedade Redes de Telecomunicación Galegas Retegal, S.A.

O artigo 1 do Anexo desta resolución establece que *"Baixo a denominación de Redes de Telecomunicación Galegas Retegal, S.A. (Retegal) constitúese unha sociedade anónima de nacionalidade española e capital social integramente de titularidade pública, para a prestación de servizos de telecomunicacións na Comunidade Autónoma de Galicia. O seu réxime xurídico vén determinado pola Lei de sociedades de capital, aprobada polo Real decreto lexislativo 1/2010, do 2 de xullo, así como, no que proceda, pola Lei 16/2010, do 17 de decembro, de organización e funcionamento da Administración xeral e do sector público autonómico de Galicia e polo título IV da Lei 5/2011, do 30 de setembro, do patrimonio da Comunidade Autónoma de Galicia. O réxime orzamentario, económico-financeiro, de contabilidade e de control é o establecido pola lexislación de réxime financeiro e orzamentario da Comunidade Autónoma de Galicia.*

O artigo 2 dos estatutos de Retegal recolle que constituirán parte do seu obxecto social, entre outras, as actividades de *"dotación de equipamentos e explotación, por si mesma ou mediante terceiros, de toda clase de infraestruturas e servizos de telecomunicacións que sexan promovidas pola Comunidade Autónoma de Galicia, ou nas que esta participe, vinculadas ao ámbito das telecomunicacións.*

A prestación de actividades de consultoría en materia de avaliación, planificación, promoción, adquisición, organización, mantemento, formación, xestión, investigación, control de calidade e, en xeral, calquera materia relacionada co sector das telecomunicacións, especialmente no eido da tecnoloxía das telecomunicacións."

Retegal está adscrita á Axencia de Modernización Tecnolóxica de Galicia (Amtega), a través da Área de Infraestruturas e Telecomunicacións, de acordo co establecido no punto 3 da Disposición adicional décima do Decreto 252/2011, do 15 de decembro, polo que se crea a Axencia para a Modernización Tecnolóxica de Galicia e se aproban os seus estatutos.

Terceiro. Actuacións

Con base nos programas de investimentos da Secretaría Xeral de Medios, dentro da iniciativa pública, despregouse a rede de titularidade pública autonómica de comunicación audiovisual, garantindo o máximo aproveitamento das infraestruturas públicas e permitindo que a maior parte de poboación galega dispoña de acceso a estes servizos.

O Programa de Investimentos para o ano 2025 contempla as actuacións necesarias para a mellora e actualización da rede pública autonómica dos servizos de comunicación audiovisual e do equipamento electrónico instalado nos centros de titularidade pública da Comunidade Autónoma de Galicia. Así mesmo, inclúe as visitas de comprobación técnica de emisións e actuacións de soporte técnico correspondentes.



Cuarto. Medios e recursos

Retegal conta cos medios técnicos especializados na materia e dispón da estrutura necesaria para facerse responsable da organización e xestión dos traballos a desenvolver e das prestacións encargadas, así como da súa calidade técnica.

Quinto. Colaboración entre entidades do sector público autonómico

A Lei 14/2013, do 26 de decembro, de racionalización do sector público autonómico, regula a colaboración no ámbito do sector público autonómico partindo dos principios de colaboración, cooperación e asistencia recíprocas coa finalidade de garantir a eficacia do sector público e o uso eficiente dos recursos públicos.

Así mesmo, introduce no seu artigo 8, o concepto de autoprovisión de bens e servizos dentro do propio sector público de tal xeito que *"cando os medios dos que dispoñan resulten insuficientes para o cumprimento e a realización dos seus fins institucionais, acudirán con preferencia á cooperación, colaboración e asistencia doutros órganos da Administración Xeral da Comunidade Autónoma ou doutras entidades do sector público autonómico que dispoñan dos medios dos que precisan"*.

E prevese que esta colaboración no ámbito interno do sector público se faga efectiva a través de certos instrumentos tales como protocolos de colaboración, grupos de traballo, encomendas de xestión, acordos de colaboración ou cooperación para o desempeño de tarefas comúns e outros.

Neste senso, Retegal, principal operador de rede de difusión do múltiple autonómico, está a realizar traballos que están vinculados á programación de investimentos en equipamento electrónico e de mellora da cobertura da Televisión Dixital.

En suma, considérase oportuno e beneficioso para o interese público que Retegal lle preste a súa colaboración á Secretaría Xeral de Medios, na realización da actuación sinalada anteriormente.

En consecuencia, considerándose xuridicamente procedente o establecemento deste sistema de colaboración, e de conformidade co disposto polo artigo 14 da Lei 14/2013, do 26 de decembro, as partes acordan a formalización dun acordo de colaboración suxeito ás seguintes

CLÁUSULAS

Primeira. Obxecto

O obxecto do presente Acordo é establecer as bases de colaboración entre a Secretaría Xeral de Medios e Retegal para a realización das actuacións precisas para mellorar e actualizar a rede pública autonómica dos servizos de comunicación audiovisual e do equipamento electrónico instalado nos centros de titularidade pública en Galicia dentro do Programa de Investimentos para o ano 2025.

Segunda. Investimentos e actuacións

1. Programa de investimentos. Elaborarase o Programa de Investimentos que incluírá as actuacións necesarias para a mellora e actualización da rede pública autonómica dos servizos de comunicación audiovisual e do equipamento electrónico instalado nos centros de titularidade pública da Comunidade Autónoma de Galicia, que soportan o servizo nas entidades relacionadas no Anexo II.



Incluirase unha estimación económica dos custos de cada unha das actuacións que se vaian realizar no marco do Programa de Investimentos.

Este programa de investimentos elaborárase logo da comprobación técnica realizada nas instalacións da rede pública autonómica dos servizos de comunicación audiovisual e a partir dunha análise exhaustiva das necesidades.

Este programa constitúese nun marco de actuacións a desenvolver durante toda a vixencia do acordo e no que se basearán as correspondentes contratacións. Incorporará todas as actividades que poidan xurdir como consecuencia das comprobacións técnicas que se realicen; polo tanto está suxeito a modificacións en función das necesidades e do interese público. Igualmente, comprenderá todos os estudos, proxectos e accións concretas referentes ás actuacións a acometer para materializar os investimentos obxecto das contratacións.

As condicións técnicas figuran no anexo I. A lista de entidades de poboación obxectivo inclúense no Anexo II; poderanse incorporar ou eliminar entidades de poboación en función das necesidades que puidesen xurdir durante o período de vixencia deste acordo.

2. Este programa será elaborado polos servizos técnicos da Secretaría Xeral de Medios e de Retegal.

3. A Secretaría Xeral de Medios autoriza a Retegal a, no seu caso, realizar as visitas de comprobación técnicas nas instalacións da rede pública autonómica dos servizos de comunicación audiovisual que sexan da súa titularidade

4. O importe máximo do Programa de investimentos é de 410.000,00 euros.

Terceira. Contratación

1. As sucesivas contratacións derívanse do Programa de Investimentos. Retegal iniciará e aprobará os correspondentes expedientes de contratación, nos termos previstos na lexislación de contratos do sector público e contará tamén coa información facilitada pola Secretaría Xeral de Medios.

2. Corresponderá a Retegal a tramitación, adxudicación e formalización dos contratos, tendo en conta que dispón de medios técnicos especializados na materia obxecto deste Acordo.

Retegal asumirá a constitución do vínculo contractual cos contratistas e o seu pagamento con cargo aos seus propios orzamentos, nos termos establecidos no artigo 16.b) da Lei 14/2013, do 26 de decembro, de racionalización do sector público autonómico.

3. Corresponde a Retegal a execución dos contratos, tendo en conta as súas capacidades técnicas. Os contratistas quedarán obrigados só ante Retegal, quen asumirá a total responsabilidade na execución da contratación fronte á Secretaría Xeral de Medios.

4. Poderanse empregar os importes das baixas nas licitacións para contratar novos investimentos, logo da súa inclusión no Programa de Investimentos.

Cuarta. Orzamento. Tramitación anticipada de gasto

1. A Secretaría Xeral de Medios financiará a totalidade das actuacións precisas para cumprir co obxecto deste acordo, con cargo á aplicación orzamentaria 04.03.461B.603.4 dos orzamentos da Comunidade Autónoma de Galicia para o ano 2025, polo importe máximo de 410.000,00 euros.

O importe exacto quedará establecido unha vez que Retegal licite as correspondentes actuacións. En ningún caso, as actuacións executadas suporán un incremento do orzamento máximo.



A Secretaría Xeral de Medios acreditará a plena dispoñibilidade das cantidades a chegar mediante a correspondente retención de crédito.

2. O acordo tramitarase como expediente anticipado de gasto, de acordo co disposto no artigo 2.1 da Orde do 11 de febreiro de 1998 pola que se regula a tramitación anticipada de expedientes de gasto, modificada polas ordes do 27 de novembro de 2000 e do 25 de outubro de 2001 .

Nesta tramitación anticipada poderase chegar á formalización do acordo, quedando a súa eficacia condicionada á existencia de crédito axeitado e suficiente nos orzamentos da Comunidade Autónoma de Galicia para o ano 2025.

Quinta. Comisión de seguimento, vixilancia e control

1. Crearase unha comisión de seguimento, vixilancia e control que terá as seguintes funcións:

a) Dar a conformidade e propoñer a Retegal e á Secretaría Xeral de Medios a aprobación conxunta do Programa de Investimentos e as súas posibles modificacións.

b) Coordinación, supervisión, seguimento e control da execución das actuacións derivadas do Programa de Investimentos.

c) Garantir unha solución ás incidencias de natureza técnica que poidan xurdir. Igualmente poderá revisar as accións previstas no Programa de Investimentos, co fin de adecualas ao correcto cumprimento dos obxectivos previstos, así como, de ser o caso, variar a orde e os prazos das accións previstas, mediando unha xustificación técnica razoada.

d) Resolver os problemas de interpretación e cumprimento das cláusulas deste Acordo.

2. Esta comisión será paritaria e estará formada, como mínimo, por un representante da Secretaría Xeral de Medios e un representante da sociedade Redes de Telecomunicación Galegas Retegal, S.A.

Sexta. Xustificación das actuacións. Achegas

Retegal presentará á Comisión de seguimento, vixilancia e control un certificado da execución da totalidade das actuacións realizadas ao remate dos traballos, a correspondente documentación xustificativa e, no seu caso, os contratos asinados.

A Secretaría Xeral de Medios realizará as achegas logo da xustificación das actuacións derivadas do Programa de Investimentos.

Sétima. Modificación do acordo

1. De acordo co artigo 31.4 da Lei 14/2013, do 26 de decembro, de racionalización do sector público autonómico o acordo poderá ser obxecto de modificación cando teña por finalidade o logro dos obxectivos de estabilidade orzamentaria e sustentabilidade financeira.

As ditas modificacións terán por obxecto a redución do volume das obrigas ou a ampliación do seu prazo de execución.

De acordo co artigo 4.2 da Lei 2/2011, do 16 de xuño, de disciplina orzamentaria e sustentabilidade financeira de Galicia entenderase por estabilidade orzamentaria a situación de equilibrio ou superávit estrutural en termos de capacidade de financiamento acorde coa definición contida no sistema europeo de contas nacionais e rexionais.

2. Esta previsión deberá incorporarse nos pregos de cláusulas administrativas que rexan as contratacións, nos termos establecidos na lexislación aplicable.



Oitava. Extinción: resolución e efectos

1. O presente acordo extinguirase polo cumprimento das actuacións que constitúen o seu obxecto ou por incorrer en causa de resolución.

Serán causas de resolución:

- a) O transcurso do tempo estipulado sen que se teñan realizadas as actividades acordadas.
- b) O mutuo acordo das partes asinantes.
- c) O incumprimento total ou parcial dalgúna das cláusulas que regulan o presente acordo de colaboración.
- d) Por decisión xudicial declaratoria da nulidade do acordo de colaboración.
- e) Denuncia, por causas de interese público, a instancia de calquera das partes.

2. Se cando concorra calquera das causas de resolución existen actuacións en curso de execución, as partes, a proposta da comisión de seguimento, vixilancia e control, poderán acordar a continuación e finalización das actuacións en curso que consideren oportunas, establecendo un prazo improrrogable, para a súa finalización, transcorrido o cal deberá realizarse a liquidación nos termos establecidos no artigo 52.2 da Lei 40/2015, de 1 de outubro, de Réxime Xurídico do Sector Público.

Novena. Protección de datos

As partes asinantes obríganse ao cumprimento do Regulamento (UE) 2016/679 do Parlamento Europeo e do Consello, do 27 de abril de 2016, relativo á protección das persoas físicas no que respecta ao tratamento de datos persoais e á libre circulación destes datos e polo que se derroga a Directiva 95/46/CE (Regulamento xeral de protección de datos).

Así mesmo, estarase ao disposto na Lei Orgánica 3/2018, do 5 de decembro, de protección de datos persoais e garantía dos dereitos dixitais e demais normativa vixente de aplicación en cada momento en materia de protección de datos.

Décima. Publicación

Os datos básicos relativos a este convenio serán publicados de acordo co previsto no artigo 15 da Lei 1/2016, do 18 de xaneiro, de transparencia e bo goberno, e co Decreto 126/2006, do 20 de xullo, polo que se regula o Rexistro de convenios da Xunta de Galicia.

As persoas asinantes deste acordo de colaboración manifestan expresamente o seu consentimento para que os datos persoais que figuran nel e o resto das especificacións contidas no mesmo, poidan ser publicados no Portal de Transparencia e Goberno Aberto da Xunta de Galicia.

Décimo primeira. Réxime xurídico

Este Acordo de colaboración ten natureza administrativa e rexerase pola Lei 14/2013, do 26 de decembro, de racionalización do sector público autonómico.

No caso de discrepancia na interpretación e cumprimento das cláusulas deste Acordo no seno da comisión de seguimento, vixilancia e control, os conflitos resolveranse nos termos previstos no artigo 18 da Lei 14/2013, do 26 de decembro, de racionalización do sector público autonómico, en relación co artigo 13 da Lei 16/2010, de 18 de decembro, de organización e funcionamento da Administración xeral e do sector público autonómico de Galicia.



Décimo segunda. Vixencia e execución. Prórroga

O prazo de execución será como máximo dende o 1 de febreiro ata o 15 de decembro de 2025.

O presente acordo non é prorrogable.

Santiago de Compostela (*asinado dixitalmente*)

O secretario xeral de Medios	A directora xerente de Redes de Telecomunicación Galegas Retegal, S.A.
Pedro Francisco Rojo Otero	M ^a Pilar Chapela Villanueva



ANEXO I

CONDICIÓNS TÉCNICAS DO PROGRAMA DE INVESTIMENTOS 2025

ACORDO DE COLABORACIÓN ENTRE A SECRETARÍA XERAL DE MEDIOS E A SOCIEDADE PÚBLICA REDES DE TELECOMUNICACIÓN GALEGAS RETEGAL, S.A. PARA MELLORAR E ACTUALIZAR A REDE PÚBLICA AUTONÓMICA DOS SERVIZOS DE COMUNICACIÓN AUDIOVISUAL E DO EQUIPAMENTO ELECTRÓNICO INSTALADO NOS CENTROS DE TITULARIDADE PÚBLICA EN GALICIA DENTRO DO PROGRAMA DE INVESTIMENTOS 2025

Defínense neste documento as especificacións técnicas previstas para as actuacións a realizar no Acordo de Colaboración entre a Secretaría Xeral de Medios e a sociedade Redes de Telecomunicación Galegas Retegal, S.A., para o programa de investimentos para a mellora e actualización da rede de titularidade pública autonómica dos servizos de comunicación audiovisual e do equipamento electrónico instalado nos centros de titularidade pública en Galicia, para 2025.

No Programa de Investimentos incorporaranse as actuacións de mellora ou correctoras previstas. Terase en conta para estas propostas a capacitación para traballos en altura, o acopio de equipamento necesario para afrontalo, reposición de novo stock, así como a posta en servizo do equipamento afectado.

Deberá incorporarse un orzamento básico detallado, tendo en conta a as actuacións en altura como a nivel do chan, desprazamentos programados en non programados, etc., así como por tipo de módulo, ben sexa mellora ou corrección. Ditas propostas tipo e orzamento servirán para definir as actuacións técnicas concretas e o material necesario para as melloras e correccións.

Os traballos incluírán como mínimo dúas (2) actuacións por entidade, das descritas no Anexo II. Estas actuacións poderán ser referentes a comprobación técnica de emisións e comprobación técnica de configuracións de sistemas e equipamentos; ou tamén poderán incluír na mesma actuación, ademais do anterior, as accións de mellora e actualizacións correctoras, de ser o caso, en función da comprobación realizada, así como o soporte técnico preciso.

Incluíranse as aplicacións informáticas de control, seguimento e rexistro das actuacións, comprobacións, proposta de accións e xeración de informes, así como a documentación xerada necesaria para a tramitación administrativa das diferentes actuacións, aplicacións e documentación a que terán acceso os servizos técnicos da Secretaría Xeral de Medios.

O equipamento instalado para o servizo das entidades obxecto desta actuación corresponde aos fabricantes Tredess 2010, S.L., Egatel, S.L. e Sistemas Audiovisuales Itelsis, S.L., potencias de menos de 10 W, segundo as recomendacións dos organismos normalizadores de UIT, CEPT e



do ETSI, conforme coa normativa relacionada no eido da comunicación audiovisual televisiva, así como outros elementos estándar no eido da recepción do sinal de comunicación audiovisual televisiva.

Ao equipamento incluído para cada un dos fabricantes seralle de aplicación o principio de neutralidade tecnolóxica e comprende alomenos o seguinte hardware:

- Receptores
- Transmisores
- Canceladores de ecos
- Moduladores
- Sistemas de sincronismo
- Fontes de alimentación enerxética
- Telesupervisión e alarmas
- Filtros multiplexores
- Liñas de transmisión
- Distribuidores de potencia
- Sistemas radiantes
- Antenas de recepción
- Cableado de pequeno sinal
- Sistemas eléctricos
- Sistemas de protección e antidescargas
- Armarios rack e elementos de soporte e ancoraxe
- Sistemas de xestión, operación e mantemento
- Sistemas de monitorización, medida e supervisión da radiodifusión
- Sistemas de alimentación ininterrompida

Tamén se incluírá o software necesario para o correcto funcionamento e actualización dos equipos electrónicos.

Ao remate de cada actuación entregárase ante a Secretaría Xeral de Medios un protocolo ou informe da actuación realizada, documentación que virá en formato electrónico.



II

Entidades de poboación obxectivo

Nº	CodEntidad	Provincia	Municipio	Entidade	Poboación 2023
1	150670001	A CORUÑA	A POBRA DO CARAMIÑAL	A POBRA DO CARAMIÑAL	4053
2	150010910	A CORUÑA	ABEGONDO	VILARDEL	56
3	150021002	A CORUÑA	AMES	A MÁMOA	58
4	150021103	A CORUÑA	AMES	LEBORÁNS	34
5	150061813	A CORUÑA	ARZÚA	RIBADISO	57
6	150070110	A CORUÑA	BAÑA, A	SAN VICENZO	252
7	150120704	A CORUÑA	BOQUEIXÓN	A PONTE	80
8	150120601	A CORUÑA	BOQUEIXÓN	O BURGO	43
9	150120206	A CORUÑA	BOQUEIXÓN	SANTAIA	143
10	150120403	A CORUÑA	BOQUEIXÓN	XIADÁS	21
11	150130901	A CORUÑA	BRIÓN	ESPARÍS	33
12	150140607	A CORUÑA	CABANA DE BERGANTIÑOS	PEDROUZO	58
13	150150205	A CORUÑA	CABANAS	A IGREXA	16
14	150160201	A CORUÑA	CAMARIÑAS	AROU	318
15	150160202	A CORUÑA	CAMARIÑAS	CAMELLE	739
16	150160411	A CORUÑA	CAMARIÑAS	SANTA MARIÑA	104
17	150210502	A CORUÑA	CARRAL	A CABRA	57
18	150220402	A CORUÑA	CEDEIRA	ARÓN	80
19	150220304	A CORUÑA	CEDEIRA	CAMPO DA CRUZ	39
20	150220721	A CORUÑA	CEDEIRA	TEIXIDO (SANTO ANDRÉ)	45
21	150230301	A CORUÑA	CEE	CEE	3992
22	150230403	A CORUÑA	CEE	LIRE	139
23	150230511	A CORUÑA	CEE	SAN XOSÉ	73
24	150230407	A CORUÑA	CEE	TEDÍN	68
25	150240417	A CORUÑA	CERCEDA	MEIRAMA	251
26	150240108	A CORUÑA	CERCEDA	O CAMPO DA FEIRA	1435
27	150240532	A CORUÑA	CERCEDA	QUEIXAS	436
28	150250332	A CORUÑA	CERDIDO	A VILA DA IGREXA	79
29	150250121	A CORUÑA	CERDIDO	AS FELGOSAS	99
30	150270507	A CORUÑA	COIRÓS	OS LOUREIROS	72
31	150310807	A CORUÑA	CULLEREDO	A LAXE	1014
32	150310701	A CORUÑA	CULLEREDO	ORRO	1059
33	150320152	A CORUÑA	CURTIS	TEIXEIRO	1227
34	150340201	A CORUÑA	DUMBRÍA	ANSEÁN	89
35	150340301	A CORUÑA	DUMBRÍA	BUXÁN	86
36	150350613	A CORUÑA	FENE	AS CENTEIRAS	226
37	150360406	A CORUÑA	FERROL	DONIÑOS	131
38	150360204	A CORUÑA	FERROL	MONTECURUTO	123



Nº	CodEntidad	Provincia	Municipio	Entidade	Poboación 2023
39	150360901	A CORUÑA	FERROL	VILA DA AREA	203
40	150370302	A CORUÑA	FISTERRA	FISTERRA	2685
41	150370404	A CORUÑA	FISTERRA	PADRÍS	38
42	150380210	A CORUÑA	FRADES	SANAMIL	48
43	150390410	A CORUÑA	IRIXOA	O PAZO DE IRIXOA	41
44	150410209	A CORUÑA	LARACHA, A	A PEDREIRA	71
45	150400610	A CORUÑA	LAXE	MÓRDOMO	108
46	150420206	A CORUÑA	LOUSAME	A ESCABIA	77
47	150420501	A CORUÑA	LOUSAME	ABEIXÓN	51
48	150420408	A CORUÑA	LOUSAME	CROÍDO	234
49	150451207	A CORUÑA	MAZARICOS	A PICOTA	388
50	150450615	A CORUÑA	MAZARICOS	SUEVOS	61
51	150461001	A CORUÑA	MELIDE	FURELOS	129
52	150480503	A CORUÑA	MIÑO	LEIRO	67
53	150500107	A CORUÑA	MONFERO	O CANEDO	44
54	150530804	A CORUÑA	MUROS	LESTÓN DE ARRIBA	49
55	150530301	A CORUÑA	MUROS	LOURO	810
56	150530203	A CORUÑA	MUROS	O MAIO	676
57	150530206	A CORUÑA	MUROS	REBOREDO	44
58	150530702	A CORUÑA	MUROS	TAL DE ARRIBA	220
59	150521211	A CORUÑA	MUXÍA	QUINTÁNS	169
60	150521303	A CORUÑA	MUXÍA	TOURIÑÁN	37
61	150550328	A CORUÑA	NEDA	GANDARELA	41
62	150560702	A CORUÑA	NEGREIRA	CASTELÁN	20
63	150560001	A CORUÑA	NEGREIRA	NEGREIRA	4220
64	150560104	A CORUÑA	NEGREIRA	PESADUIRA	135
65	150560302	A CORUÑA	NEGREIRA	PORQUEIRA	35
66	150560509	A CORUÑA	NEGREIRA	VILASERÍO	51
67	150570507	A CORUÑA	NOIA	MIROU	36
68	150580309	A CORUÑA	OLEIROS	A XESTA	139
69	150610825	A CORUÑA	ORTIGUEIRA	SAN XOÁN	158
70	150612377	A CORUÑA	ORTIGUEIRA	SANTA MARÍA	369
71	150620611	A CORUÑA	OUTES	LANTAROU	84
72	150620614	A CORUÑA	OUTES	MOLEDO	26
73	159021504	A CORUÑA	OZA-CESURAS	LOIS	263
74	150650211	A CORUÑA	PADRÓN	O PEDROSO DO VENDAVAL	94
75	150660801	A CORUÑA	PINO, O	AMARELLE	75
76	150660108	A CORUÑA	PINO, O	O PEDROUZO	941
77	150680501	A CORUÑA	PONTECESO	O PORTO DE CORME	1070
78	150701111	A CORUÑA	PONTES DE GARCÍA RODRÍGUEZ, AS	GOENTE	106



Nº	CodEntidad	Provincia	Municipio	Entidade	Poboación 2023
79	150710604	A CORUÑA	PORTO DO SON	CARBALLOSA	207
80	150720504	A CORUÑA	RIANXO	RIANXIÑO	367
81	150730618	A CORUÑA	RIBEIRA	OLEIROS	629
82	150740303	A CORUÑA	ROIS	LIÑARES	67
83	150740805	A CORUÑA	ROIS	O SISTO	278
84	150750605	A CORUÑA	SADA	SADA DE ARRIBA	329
85	150760707	A CORUÑA	SAN SADURNIÑO	CORNIDE	162
86	150770808	A CORUÑA	SANTA COMBA	A ILLA	85
87	150770105	A CORUÑA	SANTA COMBA	O COUTO	90
88	150781203	A CORUÑA	SANTIAGO DE COMPOSTELA	FRENSA	29
89	150782807	A CORUÑA	SANTIAGO DE COMPOSTELA	VILAR DE OUTEIRO	40
90	150790101	A CORUÑA	SANTISO	AGRO DO CHAO	24
91	150790202	A CORUÑA	SANTISO	CHORÉN	49
92	150800820	A CORUÑA	SOBRADO	SOBRADO	307
93	150810422	A CORUÑA	SOMOZAS, AS	A GARITA	31
94	150810427	A CORUÑA	SOMOZAS, AS	A IGREXA	231
95	150820102	A CORUÑA	TEO	CACHEIRAS	1421
96	150820107	A CORUÑA	TEO	FEROS	297
97	150830209	A CORUÑA	TOQUES	PONTE QUEIMADAS	45
98	150841015	A CORUÑA	TORDOIA	PIÑEIRO	106
99	150851506	A CORUÑA	TOURO	A MUÍÑA	87
100	150851703	A CORUÑA	TOURO	FORTE DÍAZ	466
101	150880201	A CORUÑA	VAL DO DUBRA	BEMBIBRE	1142
102	150881105	A CORUÑA	VAL DO DUBRA	INSUA	62
103	150870202	A CORUÑA	VALDOVIÑO	CANDAÍL	55
104	150870410	A CORUÑA	VALDOVIÑO	LAVACERIDO	122
105	150870119	A CORUÑA	VALDOVIÑO	O VILAR DE LAGO	127
106	150891209	A CORUÑA	VEDRA	SOBREDO	33
107	150910121	A CORUÑA	VILARMAIOR	RIEIRO	29
108	150900507	A CORUÑA	VILASANTAR	FORO	112
109	150920704	A CORUÑA	VIMIANZO	A DEVESA	41
110	150920101	A CORUÑA	VIMIANZO	BAÍÑAS	252
111	150920702	A CORUÑA	VIMIANZO	CARNÉS	181
112	150920706	A CORUÑA	VIMIANZO	MOREIRA	37
113	270010101	LUGO	ABADÍN	ABADÍN	110
114	270011403	LUGO	ABADÍN	O BARRAL	15
115	270020502	LUGO	ALFOZ	AS ACERNADAS	16
116	270040801	LUGO	BALEIRA	A LASTRA	40
117	270040501	LUGO	BALEIRA	O CÁDAVO	155
118	270040221	LUGO	BALEIRA	VILARDOI	18



Nº	CodEntidad	Provincia	Municipio	Entidade	Poboación 2023
119	279011304	LUGO	BARALLA	MATELA	36
120	270061304	LUGO	BECERREÁ	AS PONTES DE GATÍN	15
121	270061102	LUGO	BECERREÁ	NARÓN	41
122	270070101	LUGO	BEGONTE	BAAMONDE	225
123	270070601	LUGO	BEGONTE	INSUA	45
124	270080101	LUGO	BÓVEDA	BÓVEDA	372
125	270080901	LUGO	BÓVEDA	RUBIÁN	256
126	279020001	LUGO	BURELA	BURELA	9454
127	270091801	LUGO	CARBALLEDO	A BARRELA	230
128	270100601	LUGO	CASTRO DE REI	CASTRO DE REI	188
129	270100906	LUGO	CASTRO DE REI	O CASTRO	808
130	270113701	LUGO	CASTROVERDE	CASTROVERDE	336
131	270111304	LUGO	CASTROVERDE	FURÍS DE ABAIXO	39
132	270120509	LUGO	CERVANTES	A DEGRADA	23
133	270120804	LUGO	CERVANTES	DONÍS	12
134	270121901	LUGO	CERVANTES	O FABAL	10
135	270121806	LUGO	CERVANTES	VILARELLO DA IREXA	51
136	270122007	LUGO	CERVANTES	VILASPASANTES	10
137	270130608	LUGO	CERVO	SARGADELOS	65
138	270162502	LUGO	CHANTADA	A EIREXE	30
139	270170203	LUGO	FOLGOSO DO COUREL	FERREIROS DE ARRIBA	58
140	270170204	LUGO	FOLGOSO DO COUREL	FOLGOSO DO COUREL	175
141	270170804	LUGO	FOLGOSO DO COUREL	FROXÁN	25
142	270170703	LUGO	FOLGOSO DO COUREL	MOREDA	32
143	270170501	LUGO	FOLGOSO DO COUREL	NOCEDA	42
144	270170403	LUGO	FOLGOSO DO COUREL	PADERNE	30
145	270170706	LUGO	FOLGOSO DO COUREL	SEOANE DO COUREL	89
146	270170502	LUGO	FOLGOSO DO COUREL	TEIXEIRA	42
147	270180901	LUGO	FONSAGRADA, A	A FONSAGRADA	1093
148	270182101	LUGO	FONSAGRADA, A	A POBRA DE BURÓN	87
149	270181208	LUGO	FONSAGRADA, A	LAMAS DE MOREIRA	29
150	270182505	LUGO	FONSAGRADA, A	NOCEDA	8
151	270182305	LUGO	FONSAGRADA, A	ROZABRAGADA	17
152	270182210	LUGO	FONSAGRADA, A	SAN PEDRO	12
153	270181214	LUGO	FONSAGRADA, A	SEOANE	23
154	270181107	LUGO	FONSAGRADA, A	VILARMEÁN	50
155	270190606	LUGO	FOZ	FONDO DE NOIS	506
156	270190505	LUGO	FOZ	FORXÁN	295
157	270190206	LUGO	FOZ	O SISTO	47
158	270190510	LUGO	FOZ	REIRIZ	25



159	270201508	LUGO	FRIOL	PORTOSCARROS	1
160	270430207	LUGO	FRIOLFE	LUGO	21
161	270241101	LUGO	INCIO, O	A CRUZ DO INCIO	209
162	270242402	LUGO	INCIO, O	A FERRERÍA	33
163	270280001	LUGO	LUGO	LUGO	90413
164	270283202	LUGO	LUGO	MUXA DE ABAIXO	138
165	270290113	LUGO	MEIRA	MEIRA	926
166	270300704	LUGO	MONDOÑEDO	ESTELO	44
167	270301402	LUGO	MONDOÑEDO	O CASAL	15
168	270321505	LUGO	MONTERROSO	MONTERROSO	2082
169	270330533	LUGO	MURAS	MURAS	94
170	270341202	LUGO	NAVIA DE SUARNA	A PROBA	246
171	270341408	LUGO	NAVIA DE SUARNA	MURIAS DE RAO	28
172	270341902	LUGO	NAVIA DE SUARNA	VALLO	16
173	270350402	LUGO	NEGUEIRA DE MUÑIZ	NEGUEIRA	50
174	270370202	LUGO	NOGAIS, AS	ESPARIZ	14
175	270370806	LUGO	NOGAIS, AS	TORÉS	64
176	270380428	LUGO	OUROL	VILARES	43
177	270391513	LUGO	OUTEIRO DE REI	URBANIZACIÓN O SALETE	313
178	270401401	LUGO	PALAS DE REI	CURBIÁN	35
179	270411104	LUGO	PANTÓN	FRONTÓN	31
180	270411702	LUGO	PANTÓN	O BARREAL	35
181	270440433	LUGO	PASTORIZA, A	BRETOÑA	236
182	270440433	LUGO	PASTORIZA, A	BRETOÑA	236
183	270450601	LUGO	PEDRAFITA DO CEBREIRO	LOUZARELA	43
184	270451209	LUGO	PEDRAFITA DO CEBREIRO	VEIGA DE BRAÑAS	25
185	270461501	LUGO	POL	MOSTEIRO	222
186	270480305	LUGO	PONTENOVA, A	A PONTENOVA	763
187	270480503	LUGO	PONTENOVA, A	RECELENDE	114
188	270480703	LUGO	PONTENOVA, A	VILAMEÁ	155
189	270480901	LUGO	PONTENOVA, A	VILAOURUZ	34
190	270500301	LUGO	QUIROGA	BENDOLLO DE FEAIS	54
191	270501514	LUGO	QUIROGA	CONCEADO	16
192	270510616	LUGO	RIBADEO	A PALMEIRA	56
193	270510801	LUGO	RIBADEO	RIBADEO	6983
194	270530508	LUGO	RIBEIRA DE PIQUÍN	SANTALLA	71
195	270540601	LUGO	RIOTORTO	A AUGAXOSA	64
196	270552004	LUGO	SAMOS	SAMOS	146
197	270550805	LUGO	SAMOS	SANTA MARIÑA	17
198	270581803	LUGO	SAVIÑAO, O	PESQUEIRAS	23
199	270610425	LUGO	TRABADA	A RETORTA	31



200	270610541	LUGO	TRABADA	TRABADA	222
201	270610541	LUGO	TRABADA	TRABADA	222
202	270620704	LUGO	TRIACASTELA	TRIACASTELA	123
203	270640504	LUGO	VICEDO, O	O FOLGUEIRO	84
204	270640726	LUGO	VICEDO, O	O VICEDO	732
205	270660502	LUGO	VIVEIRO	AREA	74
206	270660324	LUGO	VIVEIRO	PEDREIRA	24
207	270660713	LUGO	VIVEIRO	TOXEIRAS	94
208	270210913	LUGO	XERMADE	A CASANOVA	73
209	270210703	LUGO	XERMADE	O CAMPO DA FEIRA	52
210	270250804	LUGO	XOVE	CAMBA	69
211	270250518	LUGO	XOVE	VILA	45
212	270250405	LUGO	XOVE	VILAPOL	68
213	320800302	OURENSE	A TEIXEIRA	CRISTOSENDE	39
214	320030120	OURENSE	ARNOIA, A	VILA TERMAL	208
215	320040302	OURENSE	AVIÓN	AVIÓN	275
216	320050104	OURENSE	BALTAR	SAN PAIO	100
217	320060101	OURENSE	BANDE	BANDE	640
218	320071001	OURENSE	BAÑOS DE MOLGAS	PRESQUEIRA	82
219	320070209	OURENSE	BAÑOS DE MOLGAS	VILAMEÁ	20
220	320100201	OURENSE	BEADE	AS REGADAS	42
221	320110102	OURENSE	BEARIZ	BEARIZ	309
222	320130605	OURENSE	BOBORÁS	FEÁS	224
223	320131505	OURENSE	BOBORÁS	O REGUEIRO	120
224	320131406	OURENSE	BOBORÁS	PAZOS DE ARENTEIRO	117
225	320130701	OURENSE	BOBORÁS	XENDIVE	70
226	320150801	OURENSE	BOLO, O	AS ERMIDAS	48
227	320160101	OURENSE	CALVOS DE RANDÍN	CALVOS	101
228	320160602	OURENSE	CALVOS DE RANDÍN	RANDÍN	68
229	320160901	OURENSE	CALVOS DE RANDÍN	VILA	32
230	320170301	OURENSE	CARBALLEDA DE VALDEORRAS	CASAIO	256
231	320190501	OURENSE	CARBALLIÑO, O	O CARBALLIÑO	11369
232	320210101	OURENSE	CASTRELO DO VAL	CAMPOBECERROS	81
233	320210903	OURENSE	CASTRELO DO VAL	SERVOI	45
234	320230108	OURENSE	CASTRO CALDELAS	OS MUÍÑOS	3
235	320231302	OURENSE	CASTRO CALDELAS	PENELAS	25
236	320240105	OURENSE	CELANOVA	ERMIDE	23
237	320290502	OURENSE	CHANDREXA DE QUEIXA	A VENTOSA	3
238	320290501	OURENSE	CHANDREXA DE QUEIXA	CELEIROS	118
239	320260401	OURENSE	COLES	CAMBEO	323
240	320310202	OURENSE	ESGOS	CALSOMIRO	11



Nº	CodEntidad	Provincia	Municipio	Entidade	Poboación 2023
241	320340401	OURENSE	GUDIÑA, A	A GUDIÑA	645
242	320351003	OURENSE	IRIXO, O	PARADA	69
243	320390701	OURENSE	LAZA	MATAMÁ	150
244	320400503	OURENSE	LEIRO	LEIRO	531
245	320410403	OURENSE	LOBEIRA	AS QUINTAS	110
246	320421003	OURENSE	LOBIOS	A HERDADIÑA	19
247	320420205	OURENSE	LOBIOS	PRANCIBE	43
248	320420905	OURENSE	LOBIOS	TORNEIROS	64
249	320440204	OURENSE	MANZANEDA	LANGULLO	65
250	320470304	OURENSE	MERCA, A	FARAMONTAOS	50
251	320480101	OURENSE	MEZQUITA, A	CÁDAVOS	72
252	320491302	OURENSE	MONTEDERRAMO	MONTEDERRAMO	145
253	320491202	OURENSE	MONTEDERRAMO	VILARIÑO FRÍO	46
254	320511101	OURENSE	MUIÑOS	GUNTUMIL	99
255	320510501	OURENSE	MUIÑOS	XERMEADE	89
256	320521213	OURENSE	NOGUEIRA DE RAMUÍN	O COITELO	14
257	320580401	OURENSE	O PEREIRO DE AGUÍAR	CACHAMUÍÑA	198
258	320542209	OURENSE	OURENSE	QUINTELA	143
259	320541302	OURENSE	OURENSE	REZA	102
260	320541709	OURENSE	OURENSE	UNTES	193
261	320560309	OURENSE	PADRENDIA	A FRIEIRA	124
262	320560208	OURENSE	PADRENDIA	FREÁNS	25
263	320560525	OURENSE	PADRENDIA	PONTE BARXAS	118
264	320580705	OURENSE	PEREIRO DE AGUIAR	A VENDA	110
265	320580207	OURENSE	PEREIRO DE AGUIAR	URBANIZACIÓN TAPADA DE BOUZAS	481
266	320581310	OURENSE	PEREIRO DE AGUIAR	VILARIÑO	324
267	320590901	OURENSE	PEROXA, A	OS PEARES	57
268	320590209	OURENSE	PEROXA, A	PAZOS	25
269	320610104	OURENSE	PIÑOR	PIÑOR	97
270	320640119	OURENSE	PONTEDEVA	ALDEA DE DEVA	164
271	320660101	OURENSE	QUINTELA DE LEIRADO	XACEBÁNS	61
272	320680302	OURENSE	RAMIRÁS	O PICOUTO	132
273	320710205	OURENSE	RIÓS	A VEIGA DO SEIXO	31
274	320710201	OURENSE	RIÓS	CASTRELO DE CIMA	29
275	320710701	OURENSE	RIÓS	CORTEGADA	40
276	320750207	OURENSE	SAN CIBRAO DAS VIÑAS	REBOREDO	523
277	320760711	OURENSE	SAN CRISTOVO DE CEA	PIELAS	36
278	320700903	OURENSE	SAN XOÁN DE RÍO	A CRUZ	16
279	320780301	OURENSE	SARREAU	CORTEGADA	120
280	320800101	OURENSE	TEIXEIRA, A	O POMBAR	51



Nº	CodEntidad	Provincia	Municipio	Entidade	Poboación 2023
281	320810302	OURENSE	TOÉN	MOREIRAS	666
282	320810508	OURENSE	TOÉN	PUGA	131
283	320810202	OURENSE	TOÉN	QUENLLE	39
284	320810801	OURENSE	TOÉN	XESTOSA	104
285	320830101	OURENSE	VEIGA, A	BAÑOS	49
286	320840202	OURENSE	VEREA	BANGUESES DE ARRIBA	57
287	320850301	OURENSE	VERÍN	FECES DE ABAIXO	291
288	320850401	OURENSE	VERÍN	FECES DE CIMA	59
289	320850701	OURENSE	VERÍN	PAZOS	716
290	320851101	OURENSE	VERÍN	TAMAGOS	151
291	320860501	OURENSE	VIANA DO BOLO	FORNELOS DE FILLOÁS	36
292	320863201	OURENSE	VIANA DO BOLO	VIANA DO BOLO	1471
293	320863501	OURENSE	VIANA DO BOLO	VILASECO DA SERRA	17
294	320870803	OURENSE	VILAMARÍN	BORULFE	55
295	320881001	OURENSE	VILAMARTÍN DE VALDEORRAS	VALENCIA DO SIL	75
296	320890404	OURENSE	VILAR DE BARRIO	PORTO	96
297	320890601	OURENSE	VILAR DE BARRIO	PRADO	46
298	320910204	OURENSE	VILARDEVÓS	LAMASDEITE	53
299	320910802	OURENSE	VILARDEVÓS	TERROSO	163
300	320911101	OURENSE	VILARDEVÓS	VILARDEVÓS	238
301	320920602	OURENSE	VILARIÑO DE CONSO	PRADOALBAR	27
302	320321601	OURENSE	XINZO DE LIMIA	A PENA	98
303	320360209	OURENSE	XUNQUEIRA DE AMBÍA	SALGUEIROS	40
304	360010604	PONTEVEDRA	ARBO	ROZAS	91
305	360080502	PONTEVEDRA	CANGAS	O IGREXARIO	740
306	360080505	PONTEVEDRA	CANGAS	PINTÉNS	259
307	360090746	PONTEVEDRA	CAÑIZA, A	O TOUZAL DO BARREIRO	19
308	360090321	PONTEVEDRA	CAÑIZA, A	XUNQUEIRAS	32
309	369020707	PONTEVEDRA	CERDEDO-COTOBADE	CERDEDO	379
310	369021003	PONTEVEDRA	CERDEDO-COTOBADE	COVAS	31
311	369020306	PONTEVEDRA	CERDEDO-COTOBADE	PAZOS	130
312	360131009	PONTEVEDRA	COVELO	A IGREXA	102
313	360140520	PONTEVEDRA	CRECENTE	O SURREIRO	19
314	360160205	PONTEVEDRA	DOZÓN	O CASTRO	117
315	360171902	PONTEVEDRA	ESTRADA, A	A ESTRADA	8379
316	360173206	PONTEVEDRA	ESTRADA, A	O REDONDO	76
317	360172805	PONTEVEDRA	ESTRADA, A	PARAFITA	32
318	360180406	PONTEVEDRA	FORCAREI	FORCAREI	475
319	360180303	PONTEVEDRA	FORCAREI	LOUREIRO	70
320	360180601	PONTEVEDRA	FORCAREI	O BARRIO	36



Nº	CodEntidad	Provincia	Municipio	Entidade	Poboación 2023
321	360190101	PONTEVEDRA	FORNELOS DE MONTES	A ALÉN DE ARRIBA	125
322	360190301	PONTEVEDRA	FORNELOS DE MONTES	FONDO DE VILA	145
323	360190304	PONTEVEDRA	FORNELOS DE MONTES	RIAL	103
324	360210805	PONTEVEDRA	GONDOMAR	A GÁNDARA	199
325	360230109	PONTEVEDRA	GUARDA, A	SALGUEIRÓ	142
326	360242707	PONTEVEDRA	LALÍN	LALÍN	11359
327	360244809	PONTEVEDRA	LALÍN	ZOBRA	46
328	360250203	PONTEVEDRA	LAMA, A	CAMBESES	62
329	360260709	PONTEVEDRA	MARÍN	SEIXO	825
330	360270209	PONTEVEDRA	MEAÑO	PONTE DENA	354
331	360300506	PONTEVEDRA	MONDARIZ	MONDARIZ	997
332	360330901	PONTEVEDRA	MOS	O CASAL	350
333	360350611	PONTEVEDRA	NIGRÁN	A RAÑA	122
334	360350503	PONTEVEDRA	NIGRÁN	CON	235
335	360360304	PONTEVEDRA	OIA	AS MARIÑAS	141
336	360360307	PONTEVEDRA	OIA	O PORTO	319
337	360360106	PONTEVEDRA	OIA	TORROÑA	127
338	360370203	PONTEVEDRA	PAZOS DE BORBÉN	O POUSIÑO	167
339	360430709	PONTEVEDRA	PONTE CALDELAS	PONTE CALDELAS	989
340	360390306	PONTEVEDRA	PORRIÑO, O	A GRAÑA	114
341	360471706	PONTEVEDRA	RODEIRO	RODEIRO	343
342	360480216	PONTEVEDRA	ROSAL, O	MARZÁN	385
343	360480229	PONTEVEDRA	ROSAL, O	PORTECELO	121
344	360490406	PONTEVEDRA	SALCEDA DE CASELAS	LOUREIRO	102
345	360522207	PONTEVEDRA	SILLEDA	PORTODABALDE	23
346	360521309	PONTEVEDRA	SILLEDA	SANTA MARIÑA	32
347	360523008	PONTEVEDRA	SILLEDA	SILLEDA	3552
348	360541302	PONTEVEDRA	TOMIÑO	CIMADEVILA	159
349	360541422	PONTEVEDRA	TOMIÑO	O SEIXO	1368
350	360541428	PONTEVEDRA	TOMIÑO	VILAR	205
351	360550502	PONTEVEDRA	TUI	A DEVESA	90
352	360560402	PONTEVEDRA	VALGA	CIMADEVILA	63
353	150890302	PONTEVEDRA	VEDRA	O CASTRO	104
354	360573002	PONTEVEDRA	VIGO	MARCOSENDE	340
355	360571431	PONTEVEDRA	VIGO	VILAR	310
356	360592809	PONTEVEDRA	VILA DE CRUCES	A SENRA	59
357	360592003	PONTEVEDRA	VILA DE CRUCES	O OUTEIRO	95
358	360592007	PONTEVEDRA	VILA DE CRUCES	SULAGO	42
359	360590705	PONTEVEDRA	VILA DE CRUCES	VILAR	30
360	360580112	PONTEVEDRA	VILABOA	SAXOSA	251



361 (*)	150300001	A CORUÑA	CORUÑA, A	A CORUÑA	212307
362 (*)	150780001	A CORUÑA	SANTIAGO DE COMPOSTELA	SANTIAGO DE COMPOSTELA	82591
363 (*)	270280001	LUGO	LUGO	LUGO	90413
364 (*)	320540001	OURENSE	OURENSE	OURENSE	97539
365 (*)	360380001	PONTEVEDRA	PONTEVEDRA	PONTEVEDRA	63149
366 (*)	360570002	PONTEVEDRA	VIGO	VIGO	199550

(*) Estación fixa de comprobación técnica de emisións

